



Векало ПахIала Тимапига яздина шолгIа кехат

Векало ПахIала Тимапига яздинчу шолгIачу кехат чудогIу дешнаш дукхьолахь ПахIалан кьона гIюьнча волчу а, цуьнца цхьаьна динан гIуллакх дIакхьохьуш волчу а Тимапига бина хьехамаш бу. Кехатан коьрта ойла собар хиларе кхайкхар ду. Тимапина хьехам бо, кхидIа а Иийсах лаьцна тоьшалла дар а, хазачу кхоах а, товратах а лаьцна болу тешаме хьехам ларбар а, иштта ша хьехархо а, хаза кхаь кхайкхорхо а хуьлуш, кьахьегар а аьлла. Оцу хенахь Тимапина баланаш а, адамаш духьалдовлар а го.

Яздархочо Тимапига кьабсттина хьедо «сонтакчу а, кхетамбоцучу а кьийсарех» кьахкар, хIунда аьлча ишттакчу кьамелаша диканиг ца дойту, мелхо а, цара талхабо шайга ладугIуш болу нах.

Оцу массо а хIуманашкахула яздархочо дагадоуьйту Тимапина шен дахаран а, Iалашонан а масал: шен тешар а, собар а, безам а, доьналла хилар а, баланаш а.

Дешхьалхе

1 ¹Тимапи, хIара кехат яздо хьобга ПахIала. Дала леррина кьобалвинчу Иийсан векал ву со Делан лаамца. Со Дала ваийтина Ша леррина кьобалвинчу Иийсаца цхьаьна вай долчу хенахь лур ду аьлла долу бакьдолу дахар дIакхайкхо. ²Ас яздо хьобга, сайн хьоме кIант волчу Тимапига. Вайн Да волчу Делера а, вайн Веза Эла волчу, Дала леррина кьобалвинчу Иийсагара а долу дика а, кьинхетам а, синпаргIато а хуьлда хьуна.

Баркалалаш а, иракарахIиттор а

³Дийнахь а, буса а сайн доIанашкахь хьо дукхазза а дагавогIуш, сан дайша ма-барра, цIеначу дагца айса лоруш волчу Далла хастам бо ас. ⁴Денана долу хьан бIаьрхиш дагахьдохку суна. Хьо ган лууш кийра богу сан. Хьо а гина, сан хазаетар кхочушхуьлийла. ⁵Хьо цIеначу даггара Иийсах

^{1:2} Векалийн 16:1. ^{1:5} Векалийн 16:1.

тешар дагадогIу суна. Хьалха хьан бабин Лусин а, хьан ненан Эвникин а даг чохь иштта тешар лаьтгара. Ткьа хIинца хьан даг чохь а и тешар латтарх шеко яц сан. ⁶Цундела юха а дагадоуьйту ас хьуна, сайн куьйгаш тIедакхарехула, Дала хьайна деллачу похIмин алу кхин а йовха ягийталахь. ⁷ХIунда аьлча Дала вайна кIиллоллин са хилийта ца делла Шен Са, ткьа вайн синан ницкь хилийта а, безам зуьйш а, вай кхетаме хилийта а делла.

⁸Цундела эхь ма хета вайн Везачу Элах лаьцна тоьшалла дан. Цуьнан духьа тутмакх волу со бахьана долуш а эхь ма хета. Мелхо а, ахьа а Дала хьайна луш болчу ницкьаца хаза кхаь дIакхайкхоран духьа соьца цхьаьна баланаш хьега. ⁹Дала кIелхьардаьхна вай. Цо Шена тIекхайкхина вай, Шен долахь дерш вайх хилийтархьама. Вай дина гIуллакхаш бахьана долуш ца дина Дала иза, амма Шен Iалашо а, дика а бахьана долуш дина. Хенаш а кхоллале, Ша леррина кьобалвинчу Иийсагахула вайна делла дара Цуьнан мах боцу дика. ¹⁰Ткьа и дика вайна-м Дала леррина кьобалвина Иийса, вай КIелхьардаьхнар, кху дуьнен чу схьавеача, хIинца бен ца гайтина Дала. Вайна тIехь долу Южаллин олалла дохийна Иийсас. Ша дIакхайкхийнчу хазачу кхоэула Южалла ца хуьлу бакьдолу дахар стенца хуьлу гайтира Цо. ¹¹И хаза кхаь дIакхайкхо Иийсан векал а, хьехархо а дIахIоттийна со. ¹²Цундела хIара массо а баланаш дIакхьохьуш ву со. Амма суна эхь ца хета. Суна хаь со Хьанах тешна. Сох а тешна, тIедогIур долчу оцу денна Ша соьга делларг лардан Иза ницкь болуш хиларх со тешна ву. ¹³Дала леррина кьобалвинчу Иийсагахула вайн долуш долчу тешарца а, безамца а соьгара хьайна хезначу цIеначу хьехамех масал а дай, Iелахь. ¹⁴Хьайх а тешна, дитина долу диканиг вайн чохь дехаш долчу Делан Синан гIюьнца ларделахь.

¹⁵Хьуна хууш ма-хиллара, Асиа-махкахь берш массо а сох дIабирзина. Царна юкьахь бу Пигал а, ХIарми-Гена а. ¹⁶Везачу Эло кьинхетам бойла Анисапаран цIийнах. Цо дукхазза а догьэцна сан. Со набахтехь хиларх эхь ца хийтира цунна. ¹⁷Рим-гIалахь ша нисвелча, леррина лехча, со халла карийра цунна. ¹⁸Везачу Эло Шегахь болу кьинхетам бойла цунах вайна тIедогIур долчу оцу дийнахь. Эпас-гIалахь цо суна мел дина долу дика гIуллакхаш хьуна-м кьабсттина дика хаьа.

Дала леррина кьобалвинчу Иийсан тешаме тIемало

2 ¹Ткьа хьо, сан кIант, Дала леррина кьобалвинчу Иийсаца вай хиларна, вайна делла долчу диканца доьналла долуш хилалахь. ²Дуккха а тешаш а болуш, хьайна соьгара хезна болу хьехамаш дIалолахь тешамечу нахе, кхечарна хьеха хьуьнар долчаьрга.

³Дакьбалацахь ас хьобгучу баланашкахь, Дала леррина кьобалвинчу Иийсан дикачу тIемалочо санна. ⁴Цхьа а дика тIемало шен цIерачу гIуллакхашна тIера ца хуьлу, эскаре кхайкхинчу хьаькамна муьтIахь хила лууш.

^{1:11} 1 Тимапига 2:7.

⁵Ткъа кыйсадаларшкахь дакъалоцучунна толаман таж кхочур дац, нагахь санна иза, бакъонаш лар а еш, къовса ца веллехь. ⁶Къахъегна волчу ахархочунна уггар хьалха дАкхачо деза ша бинчу белхан кхачанан дакъа. ⁷Ойла елахь аса дуйцуш долчун. И массо а хIума хаа кхетам лур бу хьуна Везачу Эло.

⁸Беллачарна юкъара денвина волу, Дауд-паччахьан тIахъенах ваьлла волу Дала леррина къобалвина Ийса даим дагахь латтавеллахь. Ас кхайкхош болчу хазачу кхоан чулацам иштта бу. ⁹Хаза кхаь кхайкхорхьама тIеэцна ас хIара бала. Ур-атталла, зуламхочунна санна, буржалш а тоьхна суна. Амма Делан дашна тохалур дац буржалш. ¹⁰Цундела Дала къастийначарна хиндолчу диканан духъа ловш бу аса хIара массо а баланаш. Лаьа-кх Дала леррина къобалвинчу Ийсагахула луш долу кIелхьардовлар а, даим а хиндолу сийлалла а царна а кхачийта. ¹¹Ийса аьлла ду:

«Нагахь санна вайн Ийсаца далар хиллехь,
Цуьнца цхьаьна дахар а хир ду вайн.

¹² Нагахь санна вай баланаш ловш делахь,
Цуьнца цхьаьна паччахьалла деш а хир ду вай.

Нагахь санна вай Цунах дIакъастахь,
тIаккха Иза а вайх дIакъаьстар ву.

¹³ Нагахь санна вай тешаме ца хилахь а,
Иза-м хIетте а тешаме хир ву,
хIунда аьлча Ша-Шех дIакъаьстийла дац Цуьнан».

Хьакъ долу гIуллакхдархо

¹⁴И хIуманаш нахана дагадаийта. Далла хьалха дIахъеде цаьрга, дешнаш тIехула кыйсамаш ма бе алий. ЛадобгIурш галбахар бен, иза цхьанна а пайдenna дац. ¹⁵Делан къобалдар хьайна хилийтархьама, хьайн ницкъ кхочург дерриг а делахь. Цхьанна а агIор эхь хетийла доцу дика белхало санна хилалахь, билггал бакъдолчух лаьцна долу дош ма-дарра нийса а хьобхуш. ¹⁶Иеса а, сонта а долчу хабаршна генна валалахь, хIунда аьлча цара адамаш Далла уллора гена доху. ¹⁷Ткъа иштта хьехамаш, вочу цамгаран ун санна, сихха дIасабаьржа. И Иеса а, сонта а хабарш хьобху-чарна юкъахь бу ХIуьманай а, Пилти а. ¹⁸Уьш билггал бакъдолчунна тIе-ра дIабевлла. Цара хьобху, белла болу нах денло де чекхдаьлла бохуш. Иштта долчу хьехаршца цара цхьаболчу нехан тешар галдоккху. ¹⁹Делахь а Дала дIахIоттийна болу онда бух чIогIа лаьтташ бу. Цунна тIе дIаяздина хIара дешнаш ду: «Везачу Элана бевза Шен долахь берш». Кхин а боху: «ХIора а, ша Везачу Элан ву бохург, зуламах къахка веза».

²⁰Муьлххачу а доккхачу цIа чохь дашо а, дато а пхьегIаш хилла а ца Iаш, дечигах а, кхийра поппарх а йина йолу пхьегIаш а хуьлу. Царах цхьаерш

дезачу гIуллакхна лерина хуьлу, вуьш ларамазчу гIуллакхна лелош хуьлу. ²¹Иштта массо а вон долчух цIанвелларг а хир ву лакхарчу гIуллакхна хьаржина, язийна йолу и пхьегIа санна. Иштта стаг а ма хуьлу шен Ола-хочунна тешаме а, пайден а, массо а дикачу гIуллакхна кийча а. ²²Къо-начийн сийсазчу лаамех вадалахь. Ценачу даггара Везачу Эле кхойкху-чаьрца лаха нийсо а, тешар а, безам а, синан паргIато а. ²³Сонтачу а, кхетамбоцучу а кыйсарех къахка, хIунда аьлча хьуна хьайна а хаьа-кх уьш девне довлий. ²⁴Везачу Элан лай товш вац кыйсалуш. Масаьрца а кIеда-мерза, хьехамаш бан дика хууш, собар долуш хила веза иза. ²⁵Шен мостагIашна а эсала хьехамаш бан беза цо. Дала царна а дохкодовлар а, билггал бакъдерг довзар а дала тарло. ²⁶ТIаккха и мостагIий а, дохко а бевлла, меттабогIур бу. Иблисо шен лааме берзийна болу уьш шайш дIа-лаьцначу цуьнан речIаных паргIатбевр бу.

ТIахьарчу деношкахь

3 ¹Хаалахь, тIахьарчу деношкахь хала хенаш хир ю. ²Шайн бен ойла ца еш хир ду адамаш. Уьш хир ду сутара, дозаллаш деш, кураллаш еш, вон баганаш лееш, дена а, нанна а муьтIахь доцуш, баркалла доцуш, дин доцуш. ³Вовшех къа ца хеташ, къинхетаме боцуш, вовшашна мотт бетташ, сацам боцуш, къизаллех буьзна, дика хIума бIаьрга дан ца дезаш хир бу уьш. ⁴Ямартлонаш лелош, шайш лелочун кIоргга ойла ца еш, даг чу куралла йоьссина, сийсаза лелар Дела везарал алсам дезаш хир бу нах. ⁵Дин лелорехь тIехула суьпа лелар бу уьш, амма динан бакъболу ницкъ дIатоттур бу цара. Ишттачех къахкалахь. ⁶Къайлаха нехан хIусамашна чуобхурш а хир бу ишттачарна юкъахь. КIеда дог долу зударий кIелбуьтур бу цара цигахь. Къиноьх а буьзна, шайн тайп-тайпанчу сийсазчу ла-амашка шайш лелабойтуш бу и зударий. ⁷Динах лаьцна хьехамаш даим Iамо гIерташ белахь а, билггал долу бакъдерг цкъа а къобал ца дало цаьр-га. ⁸Яннай а, Ямвари а Муса-пайхамарна духьал ма-валлара, уьш а духь-хьалбевлла билггал бакъдолчунна. Церан кхетам телхина бу, ткъа церан тешар зийча, уьш Ийсах баккъалла а тешаш ца хилар гучудолу. ⁹Амма уьш гена бевр бац. Церан а хьекъал цахилар гучудер ду, вукхеран санна.

ТIахььара бина болу хьехамаш

¹⁰Ткъа хьо аса бечу хьехамашна а, сан дахаран кепана а резахилира. Сан Iалашонех а, сан тешарх а, сан собарх а, безамах а, доьналлах а масал ийцира ахь. ¹¹Со эккхийна волуш а, ас баланаш хьобгуш а сан леларан тидам бора ахь. Хьуна хьайна хаьа-кх Антиохехь а, Иконехь а, Листар-гIалахь а суна хилларг. Мел ирча баланаш лайра аса цигахь. Делахь а Веза-чу Эло оцу массо а халачу баланех кIелхьарваьккхира со. ¹²Вуьшта а хууш

^{2:12} Маттай 10:33; Лака 12:9. ^{2:19} Лелар 16:5.

^{3:8} Арадаккхар 7:11. ^{3:11} Векалийн 13:14-52; Векалийн 14:1-7; Векалийн 14:8-20.

ма ду, Дала леррина къобалвинчу Ийсана тѣаьхъа а хѣоттина, суьпа баха лууш болчара массара а баланаш хьѣгург хилар. ¹³Хилланчаш а, къиза нах а кхин а вон хир бу. Цара нах лебийр бу, ткъа шаьш а лебойтур бу.

¹⁴Хьох лаьцна-м хѣара эр ду ас: хъайна Јемина долу а, хьѣ тешна волу а и гѣуллакх кхидѣа а дан деза ахъа. И дерриг а хъайна хъаьнгара хьѣна хъаькх хъуна. ¹⁵Хууш ву хьѣ Делан Йозанаш бераллехъ дуйна хъайна девзина хилар а. Дала леррина къобалвинчу Ийсах тешарехула луш долчу кѣлхъарваларна тѣвалаш долу хъѣкѣалалла хъуна дала тарло оцу Йозанаша. ¹⁶Делан Йозанийн муьлхха а дакъа Дала Шен Јаь тоьхна ду. Бакъдерг хъѣха а, харцдерг гучудаккха а, гѣалаташ нисдан а, адамаш нийсачу новкъа даха а пайденна ду уьш. ¹⁷Цу дерригенан Јалашо ю: Делан адам муьлхха а дика гѣуллакх дан кийча хилийтар.

4 ¹Дала леррина къобалвина волу Ийса паччахъалла дан кху дуьнен чу схъавеача, дийна болчарна а, беллачарна а кхел йийр ю Цо. И иштта долу дела, Цунна а, Далла а хъалха, чѣагѣо а еш, ас хѣара весет до хьѣгъа: ²дѣакхайкхадѣ Делан дош. Хъайна бегѣийла долчу а, доцучу а хенахъ и дош дѣакхайкхо кийча хила. Доллчу собарца а, хъѣхамашца а адабийн гѣалаташ нисде, уьш галдевлча, дѣахайта царна, уьш иракарахѣиттаде. ³Хѣунда аьлча адаманаша нийсачу хъѣхамашка ладугѣур доцу хан тѣейогѣур ю. Шайн-шайн лаамашка а хьѣбжуш, шортта хъѣхамчаш шайна гонах гулбийр бу цара, шайн лергашна хаза лууш дер-дерг цаьрга дийцийта. ⁴Билгал бакъболчу хъѣхамах дѣа а бирзина, туьйранашкахъа боьрзур бу уьш. ⁵Ткъа хьѣ муьлххачу а хьѣлахъ кхетама а хила, баланаш ловш а хила. Хаза кхъа кхайкхорхоcho санна къа а хъѣга, Далла гѣуллакх а деш, хъайна тѣедиллинарг дерриге а чѣкх а даккха.

⁶Сайх лаьцна хѣара эр ду ас: сан дахар Далла хъалха сагѣа даккха дуттуш долу чагѣар санна ду — со дѣакхалха веза хан тѣеена. ⁷Дикачун дуйхъа бечу тѣамехъ ас хъуьнарца тѣом а би, и къийсам чѣкх а баьккхи, сайн тешар а ларди. ⁸Делан лаамехъ со ваьхна дела, хѣинца суна кийча ду толамхочуна догѣу таж. Оцу тѣедогѣун долчу дийнахъ нийса Кхелахо волчу Везачу Эло лур ду суна и таж. Со воцучунна а, Ийса кху дуьнен чу схъаваре безамца сатийсиначарна массарна а лур ду Дала иза.

Пахѣала Тимапига шех лаьцна дуййцу

⁹Тимапи, хѣуьа а дай, суна сихха тѣекхачахъара хьѣ. ¹⁰Хѣара дуьне шена дезарна, сох дѣа а къаьстина, Тассалник-гѣала вахана Деми. Кери-Сака Галата-махка вахана, ткъа Тита Далмати-махка вахана. ¹¹Лака воцург,

^{4:10} Ковлусихошка 4:14; Пхъалмане 1:24; 2 Коринтхошка 8:23; Галатахошка 2:3; Тите 1:4. ^{4:11} Ковлусихошка 4:14; Пхъалмане 1:24; Векалийн 12:12, 25; 13:13; 15:37-39; Ковлусихошка 4:10; Пхъалмане 1:24.

кхин цхъа а вац соьца висина. Лаха а лахий, Марк а схъавалавехъа хъайца. Сан балхана тѣехъ суна пайден хир ву иза. ¹²Тихѣак Эпас-гѣала вахийтина ас. ¹³Трой-гѣалахъ Карпу волчоьхъ ас йитина сан тѣеюхуш йѣолу йѣовха палаш а, сан тептарш а, къаьсттина тѣаьрсигна тѣехъ яздина дерш, схъада-хъа, хьѣ вогѣуш.

¹⁴Дукха зуламаш дина суна цѣстан пхъар волчу Искандара. Цо мел лелиначунна Везачу Эло тагѣзар дийр ду цунна. ¹⁵Хьѣ а ларвала веза цунах. Вайн хъѣхамашна чѣогѣа дуйхъалваьлла иза.

¹⁶Суна дуйхъара кхел ечу хенахъ соьгахъа гѣо даккха цхъа а ца веара, массара а дѣатесиара со. Царна дуйхъал ма доккхийла иза Дала! ¹⁷Амма соьца Веза Эла вара. Цо ницкъ белира суна хаза кхъа кхоччуш болчу барамехъ соьгахула дѣакхайкхабайта а, массо а кхечу къаьмнех болчу нахана иза дѣахазийта а. Иштта кѣлхъарваьккхинера со лѣман багара. ¹⁸Везачу Эло муьлххачу а зуламах со кѣлхъара а воккхур ву, Шен стигаларчу пачхъалкхе со дѣа а вуьгур ву. Хастам хуьлда Цунна массо а заманчоьхъ. Амин.

Тѣаьхъара а дела маршаллаш

¹⁹Маршаллаш ло соьгара Пхъаьрскѣилате а, Јакхиле а, Анисапаран цѣерачаьрга а. ²⁰Арсати Коринт-гѣалахъ висира. Ткъа Трахѣим Милет-гѣалахъ витира ас, иза цомгуш волу дела. ²¹Хѣуьа дай а, Ја тѣдале, схъакхача гѣортахъара хьѣ.

Маршаллаш доуййту хьѣгъа Јевала а, Пудас а, иштта Ланас а, Калабдата а, массо а вежарша а.

²²Веза Эла хуьлийла хъан синца.

Делан дика хуьлийла шуьца массаьрца а.

^{4:12} Векалийн 20:4; Эпасхошка 6:21, 22; Ковлусихошка 4:7, 8. ^{4:13} Векалийн 20:6. ^{4:14} 1 Тимапига 1:20; Забур 61:13; Римхошка 2:6. ^{4:19} Векалийн 18:2; 2 Тимапига 1:16, 17. ^{4:20} Векалийн 19:22; Римхошка 16:23; Векалийн 20:4; 21:29.